



Inatsisartunut ilaasortaq Anthon Frederiksen
Partii Naleraq

§ 37 naapertorlugu innuttaasut innarluutillit Danmarkimut inissinneqarsimasut pillugit apeqqummut akissuteqaat

28-02-2017
Suliap nr. 2017 - 3951
Allagaatip suussusia Nr
4635387

Innuttaasut innarluutillit Danmarkimut inissinneqarsimasut pillugit § 37 naapertorlugu apeqqutit saqqummiunneqarnerannut qujanaq.

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

- 1. Qaasuitsup Kommuniani innarluutillit qassit Danmark-mut inissinneqarnikuuppat? Aamma Qaasuitsup Kommunea qanoq amerlatigisunik innarluutilinnik Danmark-mut inissiinermini aningaasartuuteqartarpa?**

Innuttaasut annertuummik innarluutillit Qaasuitsup kommunianeersut 39-it Danmark-mut inissinneqarnikuupput.

Taakkununnga aningaasartuutit 2016-mi 165,9 mio. kr.-inik amerlassuseqarput.

- 2. Qeqqata Kommuniani innarluutillit qassit Danmark-mut inissinneqarnikuuppat? Aamma Qeqqata Kommunea qanoq amerlatigisunik innarluutilinnik Danmark-mut inissiinermini aningaasartuuteqartarpa ?**

Innuttaasut annertuummik innarluutillit Qeqqata kommunianeersut 24-it Danmark-mut inissinneqarnikuupput.

Taakkununnga aningaasartuutit 2016-mi 91,6 mio. kr.-inik amerlassuseqarput.

- 3. Kommuneqarfik Sermersuumiit innarluutillit qassit Danmark-mut inissinneqarnikuuppat? Aamma Kommuneqarfik Sermersooq qanoq amerlatigisunik innarluutillit Danmark-mut inissiinermini aningaasartuuteqartapa ?**

Innuttaasut annertuummik innarluutillit Kommuneqarfik Sermersuumeersut 53-it Danmark-mut inissinneqarnikuupput.

Taakkununnga aningaasartuutit 2016-mi 181,2 mio. kr.-inik amerlassuseqarput.

- 4. Kommune Kujallermiit innarluutillit qassit Danmark-mut inissinneqarnikuuppat? Aamma Kommune Kujalleq qanoq amerlatigisunik innarluutilinnik Danmark-mut inissiinermini aningaasartuuteqartarpa ?**

Innuttaasut annertuummik innarluutillit Kommune Kujallermeersut 16-it Danmark-mut inissinneqarnikuupput.

Taakkununnga aningaasartuutit 2016-mi 52,4 mio. kr.-inik amerlassuseqarput.

5. Naalackersuisut qanoq pilersaaruteqarpat innarluutillit Danmarkimiittut angerlartinneqarnissaannut?

Suliassaqarfik pillugu inatsiseqarnera paasititsissutigineqassaaq. Annertuumik innarluutillit ikiorserneqartarnerat pillugu Namminersornerullutik Oqartussat nalunaarutaanni nr. 8, 25. juni 2014-imeersumi § 49 naapertorlugu makku atuupput: Imm. 1 Kalaallit Nunaata avataani inissiinerup ingerlatiinnarneqarnissaanut apeqqut kommunalbestyrelsimit nalilersorneqartassaaq, pissutsit pisariaqartitsinerat malillugu akulikissusilimmik, kisiannili inissiinerup aallartinneraniit sivikinnerpaamik qaammatit aqqaneq marluk qaangiunnerini, ingerlanneqartassallunilu inissiiffiup iluani. Tamatuma kingorna kommunalbestyrelsip annikinnerpaamik ukiumut ataasiarluni pineqartup Kalaallit Nunaannut angerlartinnaannut periarfissat misissortassavai. Imm. 2 naapertorlugu Kalaallit Nunaanni inissiinissamut naleqquttumik periarfissaqartinnagu angerlartitsinissaq periarfissaqanngilaq. Imm. 3 naapertorlugu angerlartitsinissaq sioqqullugu sivikinnerpaamik sapaatip akunneri 16-it sioqqullugit iliuusissatut pilersaarussiaq sananeqareersimassaaq. Iliuusissatut pilersaarussiaq angerlartitsinnginnermi Naalackersuisunut oqaaseqarfigisassatut saqqummiunneqassaaq.

Uani pineqarpoq piviusoq najoqqutaralugu sulianik ataasiakkaanik nalilersuinikkut kalaallit nunaanni innuttaasoq isumaginnittoqarfimmiit Danmark-mut inissinneqarsimasoq.

6. Danmark-miit angerlartitsinissaq siunertaralugu Naalackersuisut kommunenut qanoq suleqateqarpat?

Apeqquut 5-mut akissummut innersuussisoqarpoq.

7. Innarluutillit ilaat Nunatsinnut angerlarumassanngikkaluarpata nunatta akilersortuaannassavaat?

Tamanna Kalaallit Nunaanni inatsisinik kalaallillu innuttaasut pinnaatitaaffiniik misissueqqissaarnikkut nalilersuinernut ataasiakkaanut aalajangersimasumut tunngavoq, Inuit innarluutillit pillugit FN`p Isumaqatigiissutaa naapertorlugu kiisalu nunamiiffigisap inatsisai, tassa danskit inatsisaat, naapertorlugit kalaallit innuttaasut pinnaatitaaffeqarnerat ilaammat. Taamaattumik suliani ataasiakkaani aalajangersimasuni kalaallit nunaanni innuttaasoq kalaallit Nunaanni kommune akiliisussaataitaassanersoq imaluunniit Danmarkimi kommuneqalissanersoq Kalaallit Nunaanni kommunigisaq kommunegiunnaarlugu Danmarkimi kommuneqalernera pillugu misissueeqqaarneq toqqammavingalugu pisassaaq.

8. siusinaartumik sulisinnaajunnaarnersiutillit aamma utoqqaat aappaasup isertitai apeqqutaatinnagit pisartagaqalernissaa qaqugu piviusunngortinneqarniarpa ?

Utoqqalinersiaqartitsinermik aqqjissuusseqqinnermi tunngaviumik utoqqalinersiuteqartitsisoqartalerlunilu ilassutitut utoqqalinersiuteqartitsisoqartalerpoq. Tunngaviumik utoqqalinersiaqarnermi aapparisaq isertitai apeqqutaatinneqanngillat namminerlu isertitat kisiisa tunngavigalugit ikiliartortinneqartarlutik.

Taamaakkaluartoq siusinaartumik sulisinnaarnersiuteqartitsinermi aqqjissuusseqqinnermi siusinaarumik sulisinnaajunnaarnersiutinik tunniusseriaaseq

allaanerujussuaq atuutilersinneqarpoq, innuttaasup sulisinnaassusaa tunngavigineqalersimammat. Taamaattumik siusinaartumik sulisinnaajunnaarnersiuteqartitsinermi najugaqatigisap isertitai apeqqutaatinnagit tunngaviusumik siusinaartumik sulisinaajunnaarnersiuteqartitsineq siunertaasimannngilaq. Taamaakkaluartoq aapparit isertittagaat 500.000 kronit inorpassuk siusinaartumik sulisinnaajunnaarnersiutilik siusinaartumik sulisinnaajunnaarnersiutit qaffasinnerpaat 20 procentiannik qulakkeerneqarsimajuaannarput. Siusinaartumik sulisinnaajunnaarnersiuteqartitsinermi aaqqissuusseqqinnerup ingerlanneqarnerata nalaani nakkutilliisarnermut atatillugu siusinaartumik sulisinnaajunnaarnersiuteqartitsinermi aaqqissuusseqqinnermit kingunerluutaasinnaasunik misissueqqissaartoqarallarpoq. Taakku naammassineqarsimalerpata iluarsiinissaq pisariaqarnersoq nalilersorneqarsinnaalissaaq.

Inussiarnersumik inuulluaqqusillunga



Sara Olsvig